



UNIVERSITÄTS-
BIBLIOTHEK
PADERBORN

Universitätsbibliothek Paderborn

Nucleus Coppensteinivs Conceptuum Prædicabilium In Dominicas Festaqve omnia per Annum

Coppenstein, Johann Andreas

Mogvntiæ, 1624

In Festo S. Iacobi Apostoli. Accessit ad eum mater filiorum Zebedæi, cum filiis suis, adorans, & petens aliquid ab eo. Matt. 20.

[urn:nbn:de:hbz:466:1-51556](https://nbn-resolving.org/urn:nbn:de:hbz:466:1-51556)

IN FESTO S. IACOBI
Apostoli.

Accessit ad eum mater filiorum Zebedæi, cum filiis suis, adorans, & petens aliquid ab eo.

Matt. 20.

Bethsabæe, 3. Regum 11. Dauidem annis, & morbo fatulentem supplex orat, Salomonem sibi successorem in regno ipse declarat. Ita mater hæc filios Christo proximos in regno fieri orat.

Super quo nos

I. De ambitione pernitiōsa.

II. De tempore, & genere petitionis.

III. De animo tale potentis.

IV. De responso Christi negatiuo.

P A R S I.

De ambitione pernitiōsa.

I. **A**mbitio fons est malorum omnium, aiebat Timon Philosophus. 1. Et Bernardus in Psalmum nonagesimum. *Ambitio malorum fons est.* Radix iniquitatis ambitio, subtile malum, pestis occulta, vitiorum origo, virtutum arugo, tinea sanctitatis, excecatrix cordium. 2. Seneca Ep. 95. *Ambitiosus instar turbinis est, qui capta conuoluit: sed ipse antea voluitur.*

1. Qualis, Matt. 4. Satan subuexit Dominum in præcella montis, & templi. Ita ambitio ad dignitates Politicas, & Ecclesiasticas: demum iubet Mittete deorsum: simul præcipitat. 2. Famosi gigantes sunt, & fabulosi, qui montes montibus imposuerunt, vt Iouem cælo proturbarent. Similes sunt ambitiosi Briareo centimano ad rapiendum: Argi sunt, qui centum oculis concupiscunt omnia, vt opes opibus, honoribus accumulent honores.

3. Nefandi posteri Cain gigantæi sunt ambitiosi, debiti diluuiō: qui regnis & basorei.

LIII 2 eccle-

Verbi; vt non euacuetur Crux Christi.

Achan, Ios. 10. lapidatur proditus a Deo, quod auream lingulam, vt Orig. & Hier. legunt, pro regala, sublegisset in Iericho. Itapunientur diuinitus, qui ex anathemate Iericho mundi humanæ sapientiæ linguam furantur, adulterantes tonitrua cæli.

Psal. 57. Lingua Canum tuorum prædicatorum ex inimicis peccatoris, sed conuersis, ab ipso Deo. Tales canes Paulus ex Saulo, Matthæus ex telonario.

Canum est mordere lupos, cogere pecus, vigilare. At quor. Ilsa. 56. Canes muti, non valentes latrare.

II. Talis in Hispania S. Iac. Maior, eius ad fidem Dux: ac demum eodem, ossibus illatis, redit. Qui et in Iudæa occubuerit: tamen velut Ioseph, Gen. 50. Asportate ossa mea de loco isto: in Hisp. transferri voluit, hodieque miraculis illustrat: & vero quot & quantis ab tot retro annis? Translatum autem est sic: Discipuli eius S. Ossa nauis exarmata, quæ absque nauarcho appulit in Hispaniam, & apparens in campo stella designauit locum depositionis faciundæ. Hinc hodieque dicitur locus Compostella. Ita præsepe Dominici index stella fuit. Luc. 2.

Benedixit Plato: pares nunquam gratias reddi posse Deo, quod creasset, parentibus, quod generasset: Præceptoribus, quod edocuisset. Ideo Alexander plus se Aristoteli præceptori, quam genitori Philippo, debere profitebatur. Quantum ergo debet Hispania S. Iacobo suo ad fidem Duci ac luci; suo à Mauris liberatori?

Quare Heb. 13. Mementore Præpositorum vestrorum, qui vobis locuti sunt Verbum Dei: quorum intuentes exitum, conuersationis imitamine fidem.

ecclesiis inferunt diluua. Nemrothani sunt, qui turrim Babel instaurantes, omnia confusionibus complent.

Exempla cladium.

II. Exemplo est primus gigantum, qui cœlum ambitione concussit. 2. Qui Paradisum vastauit, Orbem, genusq; humanum corrupit. 3. Qui duos discipulorum Domini ambitione occupauit, similes illi esse gestientes.

4. Ex ea Abimelech, Gedeonis filius occidit 70. fratres, quo solus regno potiretur. *Iud. 7. 5. Eadem spe Athalia omnem Dauidis posteritatem extinxit, vt ipsa regnaret sola. 4. Reg. 15. 6. Ex ambitione infrenduit Aman, Esth. 4. à Mardocheo sibi nō assurgi. Conspirabat itaq; in Iudæorum omnium interneccionem. Demum ipse suspensus est in patibulo, quod parauerat Mardocheo.*

7. Qualis igitur Achitophel Confiliarius, 2. Reg. 16. instigauit Absalonem, vt regnum inuaderet pulso genitore: Sed euenit; vt Absolon in suspendio lanceis transfadigeretur. Talis ambitio. 8. Hæc Pharaonem, totamq; Aegyptum in arma vocauit, ad persequendos Israelitas, ac demum in mari rubro submersit, Exod. 14. *vt nec vnus quidem supersuerit ex eis.*

9. Sui habent exemplum interitus ambitiosi in porcis, quos inuaserunt demones, Matth. 7. *Et ecce magno impetu abiit totus grex præcepis in mare, & mortui sunt in aquis.*

Ambitionis emblema viuū,

III. Est ergo ambitio mulier illa, de qua Apoc. 17. *circundata purpura, & coccino, & inaurata auro, & lapide pretioso, & margaritis, habens poculum aureum in manu sua, plenum abominatione; & immunditia fornicationis eius. Istis sub honoribus, ac voluptatibus mucrones occultat & venena.*

Aliud,

Repræsentat eam statua Nabuchodonosoræa, Dan. 3. *Cuius caput ex auro optimo erat, pectus autem & brachia de argento. Spesiola hæc, & pretiosa. At cætera eius æ-*

ruginosa ferrea, & lutea ne cernantur, noctu per somnium se præbet spectandam magnatibus. O fraudem lethalem! Illicitauro & argento, vt aut ære ac ferro enecer, aut leuis impulsu lapilli prosterнат, ac omnia diffringat. Eius specie decepta mater filiorum Zebedei, petit indigna Deo; sibi suisque inconuenientia.

PARS II.

De tempore & genere petitionis.

I. **A**ccesit mater, Maria Salome, quæ Matt. 28. Christum in Passione secuta est: & venit eum vngere. Filiorum Zebedei, fratrum Iacobi Maioris, & Ioannis: quos Dominus & in Thabor gloriæ, & in Oliueto Agoniæ testes habere voluit.

Tunc accessit, Cum Iesus loqueretur de Passione sua: Ecce ascendimus Ierosolymam, & Filius hominis tradetur. Quam dispares curæ Dei ac hominum? Cum ille de ignominia crucis, mortisque moneret; hæc mouet honores, vanitates & spes longas inchoat.

Cum sana Dens cõsulit & aspira. homo vana appetit & noxia.

1. Ita Vriam ad mollia inuitabat, sed dolo, Dauid: cui ille animose talia, 2. Reg. 11. *Arca Dei, & Israel habitat in papilionibus, & Dominus meus Iacob, & serui Domini mei super faciem terræ manent; & ego ingrediar domum meam, vt comedam, & bibam, & dormiam cum vxore mea? Et tu mulier Arcam Dei ad mortem designari audis, & audes aspirare ad vana?*

Idq; infim. fore non bono.

2. Talis & Bethsabeæ fuit audacia. 3. Reg. 2. quæ affixum lecto Dauidem ægrum importuna sollicitat pro regni successore filio Salomone, & impetrat. Ita ab Occidente sole versi ad Orientem, hunc plures adorant. Hac tamen importunior Zebedæa fuit, quæ anxiato ex instanti morte non solatium affert vllum, sed afflictum afficit molestia suis inaniis.

Et impud. ti ex auda. cia.

II. Vera ea Carnis nostræ imago est. Hæc

minum dicentem, post resurrectionem se regnaturum? Quod nosset geminam esse potestatem summam, Pontificiam & regiam; & utramque tunc corruptam expirasse?

Causa negationis cogitata.
Stolida mulier; 1. Non meministi dicentis. Ioan. 8. *Regnum meum non est de hoc mundo.* 2. Iterum *Quo ego vado, vos non potestis venire.* Nec Seraphinis isthuc pertinere fas est. *Vnus est, qui sedet à dextris Patris.* 3. Sat esto piscatoribus, ipsum constituisse eos *Principes super omnem terram.* Psal. 44. 4. Recordentur suæ quondam professionis: *Ecce reliquimus omnia, & secuti sumus te.* Sequi sat erat tunc: nunc pares esse ambibunt? *Nescitis quid petatis.* 5. Non meministis idem votum Angelis attulisse exitium? perdidisse Abalonem, Abimelech, Amanum: &c.

Plures ex Historia sumi.
1. Eodem astro percita Agrippina Neronis mater, prænunciantibus ei Astrologis: ipsam perimendam fore si filius imperarit. Quibus illa: *Occidat: modo imperet.* Suet. in Nerone.

2. A Similitudine.
2. Draco sic æstu torreri dicitur, vt nullis eum vndi temperare queat; ideo semper hiante ore aerem captat. Sique volare mari naues cernat, aduolat, vt ventum ex eorum velis ac motu captet. Tantoq; subinde fertur cum impetu, vt secum nauib. collisum funditus perdat. Talis æstuat ambitiosus, sibi aliisque exitiosus, dum honorum est inexatiatus.

3. A minore.
3. Porro *Quid petis? Dic.* Quid? Vt filii mei sint vt Ioseph sub Pharaone; Daniel sub Dario; Mardocheus sub Assuero.

Nescitis, quid petatis. Respondeo, vt Salomon Bethsabæa postulanti pro Adonia coniugem Abisag: *Quare postulas Abisag uxorem? Postula ei regnum.* Cur non postulas eis regnum cælorum? Hoc dabo.

4. A fastu petentis.

11. Sed forte, vt Iul. Cæsar in Alpium

transitu, teste Plut. in Apoph. Rom. cum ventum esset ad obscurum oppidulum, sciscitantibus Tribunis, vt sit in itinere, nū & isthic forent contentiones ambitio. sæ? respondit superbe: *Mallem ibi esse primus, quam Romæ secundus.* Ita hæc maluerit suos in hoc mundo esse primos, quam in cælo secundos. Cæci! *Nescitis, quid petatis.*

5. Prudenter Rex quidam, Val. Max. teste, offerentibus sibi cum diademate regnum, ait: *O nobilem magis, quam felicem pannum! Si te homines cognoscere, ne humi quidem iacentem tollere vellent.* Ad eundem modum Antigonus Rex matri regnum ipsi gratulata: *Si nosset, inquit, mater, quantis malis hic panniculus est plenus, (diadema ostendens: ne in sterquilinio quidem iacentem tolleres.* Scrob. ferm. 47.

6. *Nescitis quid petatis:* quietem ante laborem, pacem ante bellum, mercedem ante opera. *Nonne oportuit Christum pati, & ita intrare in gloriam? Age, Non est discipulus supra magistrum. Non est meum, non debeo, non par est dare vobis hoc petitum. Nemo coronabitur, nisi legitime certauerit.*

Poscenti filio sibi dari ab Antigono Rege remunerationem pro eximia parentis defuncti opera præstita, respondit Rex ignauo & patris dissimili: *Ego mercedem & munera dare propria, non paterna virtuti soleo.* Ita Christus hisce: *Meritis dabo regnum; nondum meritis, dare non est meum.*

Quare vt mereamur, huc conuertamur: dicamusque *Ab sit mihi gloriari, nisi in cruce Domini nostri Iesu Christi.* Gal. 6. Psal. 72. *Et à te quid volui super terram? Quoniam*

Eccles. 11. Vanitas vanitatum, & omnia vanitas.